

築地觀月

丙寅十月旬九夕當古曆九月十三夜設小筵於築地酣春樓席上用柏如亭十三夜觀月詩韻

聽松 大倉喜七郎

追憶寬平翰墨遊群賢唱和玉階頭小臣還
弄潺湲水吟對十三夜月秋

自注 謝靈運詩乘月弄潺湲寬平御題據之

席上更賦七律一章

高樓良夜迓名賢敢謂遠追延喜筵吟倚欄

白秋如水夜霽雲收月在天老後文章嫌斌
媚興來羹膾賞芳鮮援毫誰作嫦娥賦醉倒
廣寒宮闕前

文字因緣一代賢賞秋重上繼華筵少陵老
去猶憂國靖節歸來只樂天灝氣欲流銀闕
耀碧雲無盡素娥鮮清歡爲憶寬平昔爭和
奎章玉座前

延喜風流憶往賢一時鸛鷺簇金筵清尊欲
趁千秋躅良夕方逢九月天冰雪鬪才詩思
潔龍蛇騰座筆華鮮祇應同頌太平化久愧

王盧爭後前

又賦七律一章

玉露金風天欲寒
滄波洗出白銀盤
開尊北海遇秋淨
飛興西園忘夜闌
禁闕仙遊成本事
法皇宸賞有遺翰
依然明月無雙色
後一千年隔世看

次韻

蘋園

阪本

鈇

趁約良宵共俊遊
寬平故事幾回頭
當筵醉筆題明月
重賞瓊樓玉宇秋

同

風流此夕會群賢遠繼寬平御宇筵月放清
光秋滿座星浮寒影露橫天展箋兒女勞纖
玉上膳鱸魚斫碧鮮吟到菊花詩鬢白一杯
珍重酒生前

次韻

三郊

杉山

令

每遭此夕仰宸遊一片冰輪在上頭虎闢龍
顛幾陵谷清光仍占古時秋

同

渺渺臨風憶昔賢牙營韻事九重筵下階弄
水壁生手橫槊賦詩霜滿天雁字排空雲葉

王盧爭後前

又賦七律一章

玉露金風天欲寒
滄波洗出白銀盤
開尊北海遇秋淨
飛興西園忘夜闌
禁闕仙遊成本事
法宸賞有遺翰
依然明月無雙色
後一千年隔世看

次韻

蘋園

阪本

鈇

趁約良宵共俊遊
寬平故事幾回頭
當筵醉筆題明月
重賞瓊樓玉宇秋

同

風流此夕會群賢遠繼寬平御宇筵月放清
光秋滿座星浮寒影露橫天展箋兒女勞纖
玉上膳鱸魚斫碧鮮吟到菊花詩鬢白一杯
珍重酒生前

次韻

三郊

杉山

令

每遭此夕仰宸遊一片冰輪在上頭虎闢龍
顛幾陵谷清光仍占古時秋

同

渺渺臨風憶昔賢牙營韻事九重筵下階弄
水壁生手橫槊賦詩霜滿天雁字排空雲葉

散月娥開鏡露華鮮團欒聯句美清夜何論
王後與盧前

次韻

仙坡

勝島

翰

綺閣重陪翰墨游群賢集在月池頭挹光弄
影清宵興憶殺寬平御宇秋

同

文字叨陪當代賢賞秋水閣上瓊筵眼看東
海一輪月魂聘南溟千里天人入醉鄉談屑
迸詩開生面筆華鮮謝君雅會卜良夜置我
寬平延喜前

次韻

雨山 長尾 甲

水軒宜弄月波遊宴衍簫歌坐兩頭一自寬
平傳韻事清輝不獨屬中秋

同

主人高詠和群賢蟾影晶晶照雅筵九月將
央深帶露二分未滿早臨天銀盤浮魄漢光
淨冰鏡流輝雲彩鮮欲弄潺湲憑水閣蛟龍
潛躍畫欄前

次韻

六石 佐藤 寬

金管玉簫良夜遊尊前獨愧雪盈頭老時月

異少時月一樣清光兩樣秋

同

寬平故事繼先賢良夜招同翰墨筵弄影溪
間清淺水喻光杯底沉寥天風流八百構亭
善月子十三開鏡鮮下物何惟漢書耳牙籤
玉軸粲羅前

次韻

碧堂 田邊 華

憶起寬平天子遊玲瓏明月挂樓頭何人為
賦潺湲曲彈作十三絃上秋

截韻為二絕句

秋興誰云輸昔賢
援毫飛盞集瓊筵
詩人醉下幽階步
與月徘徊午夜天
西風嫋嫋一輪月
淨盡秋煙光更鮮
今夜蟾宮如可詣
頽然醉在素娥前

次韻

春石 岡崎 壯

清涼殿上繼華遊
麗藻如花上筆頭
今夜高筵尋故事
一千年後月明秋

同

良宵恰好會群賢
江閣秋開翰墨筵
萬里西風吹碧樹
八分明月上金天
盈斟美酒波光

漾善舞佳人袖影鮮逸興遄飛忘漏盡醉餘
吟倚畫欄前

次韻

犀東 國府種德

上林明月照清遊佳例濫觴延喜頭一代詩
星一樓裏酣春今夕是酣秋

同

倒屣主人元尚賢金鑿玉鱠列瓊筵雪兒二
八助觴政月姊十三臨洞天吟弄潺湲神韻
迴醉歌窮窈窕筆華鮮寬平延喜風流夢長遶
清涼殿陞前

次韻

天隨

久保得二

當筵縱飲足豪遊
莫漫耽詩白了頭
十二萬年一彈指
依然明月照高秋

同

諸公逸興趁先賢
短褐來登翰墨筵
敢畏酒觥深似海
例矜詩膽大於天
江湖遙夜涼風急
寥廓清秋霽景鮮
列宿欲稀銀漢澹
醉餘坐嘯月明前

次韻

香城

仁賀保成人

清涼南殿昔宸遊
遠趁風流水閣頭
高詠可

無輝聖代一千年後月明秋

同

金尊漾綠醉群賢更有仙娥侍綺筵一道秋
河橫大地八分明月挂中天雲牋落筆流輝
迸霞袖翻風舞影鮮我醉高吟謝家句潺湲
鳴玉畫欄前

次韻

天淵

加藤

虎

寬平天子藝文遊陪侍群賢競出頭堪弄今
宵月兼水一千年後繼華秋

同

溫故主人迎衆賢
追攀延喜繼華筵
詩依金谷珠飛座
酒倒玉山神倚天
霜氣滿空鴻背冷
冰光照水鴨頭鮮
幽懷欲賦潺湲曲
恍覺身居靈運前

次韻

雪山 川田瑞穗

良夜又爲文字遊
醉來吟倚曲欄頭
風流緬想詩天子
賞月寬平壬子秋

同

故事寬平憶昔賢
江樓待月此陪筵
金龍影漾三層浪
玉兔光寒萬里天
華胄援毫秋氣

淨英雄橫槊夜霜鮮
疎才我獨慚吟苦幾度
移牀畫檻前

次韻

天彭 今關壽磨

主人也作繼華遊
美酒芳尊玉檻頭
今夜風懷誰第一
青天明月照高秋

同

清宵剪燭會名賢
我亦聯翩喜列筵
澤上煙收秋在水
城頭木落雁橫天
樓欄對月逸情發
橋板蹈霜詩彩鮮
眼見當今文事盛
管江何許漫居前

次韻

研堂 前川 忠

明月遙思延喜遊詞臣簪筆玉階頭風華吾
愛躬恒詠恍見滄溟萬里秋

明月又思靈運遊潺湲獨弄石泉頭一時孤
往娛心目韻事翻傳幾度秋

同

折簡高樓會衆賢遙追延喜繼華筵銀蟾出
浪影橫海冰鏡披雲光滿天砧響城頭秋思
切雁鳴江上露華鮮夜深更愛幽香迸黃菊
花開玉檻前

主人喜客敬高賢看月良宵幾陪筵白露將
冰珠綴地清秋未盡鏡懸天杯傾撮釀香偏
烈盤膾松鱸味正鮮興熟三更歸去晚賓鴻
啼過畫欄前

次韻

竹雨 土屋久泰

聖主風流翰墨遊清涼賜宴殿東頭一千年
昔此明月簪筆詞臣賦素秋
仙心擬向廣寒遊獨立飛樓最上頭我舉瓊
觴向明月高吟響徹碧雲秋

同

寬平袍笏侍臣賢
詞翰千年憶盛筵
清賞何如今夜月
明輝不減昔時天
籬邊金蕊菊香
淨盤上銀絲鱸膾
鮮醉聽潺湲憑水
閣恍然身在鳳池
前

簪筆仙曹洛下賢
手招明月坐高筵
詩酬佳節十三夜
人弄清輝尺五天
雁字聯空河影澹
桂香迸地露華鮮
臨風把酒浩歌發
醉卧廣寒宮闕前

席上卒賦

袖海

館森

鴻

九月十三夜長空絕
雲烟輪鞅爭趨約
畫樓

張綺筵月娥明磨鏡來臨酒杯前二分輪雖
缺清輝滿江天主人多雅趣對月慕先賢一
醉神欲王渾忘物累牽繼華風流會寬平開
厥先同人爭裁句更欲約明年

栢梁體聯句

酣春高閣舉瓊觴

大倉松聽

老來詩賦誰擅場

市村器堂

也如書室坐芸香

杉山三郊

鄴架萬卷光琳瑯

勝島仙坡

明月皎皎照扶桑

田邊碧堂

金鏡懸在天一方

加藤天淵

喜見杯中漾酒光

館森袖海

涵水橋影百尺長

前川研堂

騷客不論上下牀

諸橋尚由

昭代風雅期屹揚

土屋竹雨

尊前爭披錦繡腸

松本漱雲

酣醉何人遺奚囊

平木墨城

上苑樹色晚蒼蒼

久保天隨

十月楓紫又菊黃

今關天彭

階前夜深露欲霜

仁賀保香城

滿空顥氣度紅牆

國府犀東

寥廓雲散鴻雁翔

杉溪六橋

月地樓臺近水鄉

川田雪山

杳杳天末雁數行

長尾雨山

羽衣一曲想霓裳

繁田文光

幾個阿嬌倚新妝

阪本嶺園

滿懷逸氣斟瓊漿

岡崎春石

詩星文星燦滿堂

佐藤六石

可無報國大文章

國分青厓